

Inatsisartut aalajangiiffigisassaattut siunnersuut, Naalakkersuisut peqquneqassasut misissuisasut Royal Arctic Line Kalaallit Nunaannut avammullu assartuinissamut sullissinissamik akuersissutaata atuukkunnaarsinneqassappat pitsaaqutissai ajoqqutissaalu, taamatuttaarlu assartuinnermut unammilleqatigiinneq eqqullugu. Misissuineq takussutississavaa sullissinissamik akuersissut peerlugu unammilleqatigiinnermillu eqqussineq aningaasatigut kingunissai qanoq isikkoqarnersut. Misissuineq Inatsisartunut UKA 2023 nallertinnagu tunniunneqassaaq.

(Inatsisartunut ilaasortaq Jens-Frederik Nielsen, Demokraterne)

Siullermeerinnineq:

Naleqqamiit Inatsisartunut ilaasortaq Jens-Frederik Nielsen, Demokraatit, qutsaviginiarparput siunnersuutaanut.

Qularutissaanngilaq Kalaallit Nunaat nunasiaataanermini aalajangiussat arlaqartut iluaqutitaqarlutillu ilaat kalaallit inuuniarnerannut oqilisaataasimangitsut. Assersuutitut taaneqarsinnaavoq KGH¹ nunatsinnut kisermaassisutut angallassinera, nuunneqarnikummat Aalborgimut². Kalaallit akikin-nerusumik pitsaanerumillu sullinneqarniarnerat aallaaviunani, Danmarkimi suliffissanik pilersitsiniarneq tunngaviusimalluni.

KGH nunatsinni ineriartorneq toqqaannaq malinngikkaluarlugu 1985-imi KNI-ngorluni assartuineq nunatsinnut ingerlatiinnarpaa, KGH-mi pissutsit atuinnarlugit. Allaat 1992-mi KNI-mit tuluttut atsiinnarlugu RAL³ nunasiaataanermini ingerlanneqarsimasut assartuineq tigummaguli ullumikkumut allannungaartoqanngilaq.

¹ Kongelig Grønlandsk Handel

² <https://www.maritimeaalborg.dk/oesthavnen/kgf-flytter-til-aalborg/>

³ Royal Arctic Line



Naleraq

Maannali pissutsit ineriartupiloorput. Kalaallit naammagittarnerat killeqaleriartorpoq. Ineriartornermut killilersugaanatik nunarsuarmioqataarusupput, peqataarusupput. Ulluinnarsiutitsinniilli aallartitta. Una qaammat aana atsiortussanik ujarlerneramik tigulaariffigerusutara:

”Ittoqqortoormiini Umiarsuaqaqqittariaqarpugut

Ittoqqortoormiini Ukiumut marloriaannaq umiarsuaqartarpugut. Umiarsuaqarnermilu tikittussat tamakkerlugit tikissimanissai naammassissallugu pingaartupilussuovoq.

Tikittussallu tamakkersimangippata iliuseqartariaqarpusi piaartumik sikutinnata. Inuussutissagut nerisassat naatitat, angerlarsimaffimmi pequtit, Namminersortut inuussutissarsiortut pisiai, Suliffeqarfii Pisortani pigineqartut tikittoorutissai, tamaavimmik tikinngitsoortut TAMATTA atsiortuluta kissaatigaarput Umiarsuaqartoqaqqinnissaa piaartumik isumagineqapallassoq. Tikissimangitsut amerlasoorujussuupput tamanna eqqunngitsumik pineqarnertut isigaarput.

Aarhusimiit Reykjavikumut aqquteqarpoq, Reykjavikimiit aqqummik pinartumik pilersitsisinnaavusi apuutinnitsoortut tikisinneqarsinnaanissaanut. Imaluunniit allatut ilissi pitsaanerutitassinni angumersisinnaasumik.

In.in. Ittoqqortoormiini Innuttaasut”

Kingullermik oqallikkatta isorliunerusut neqitsiullugit Royal Arctic Line A/S kisermaassinerata pisariaqarnera taakkartorneqarpoq. Naak ullumikkut isorliunerusunut illersuiniarlutik oqariartuutillit?

Aningaasanut Inatsisissami Siunnersuummi konto 72.20.10 qiviaraanni ukiumut 59,6 mio. tapiissutaapput nunatta iluani assartuineranut. Sunaana aningaasalersoripput?

Suliffeqarfik pigisarput. Qularinngilarali ullumikkut Naalackersuisut ersarissumik oqassasut, sulisut tamarmik Kalaaliunerarlugit. Immaqaluunniit aamma paasissavarput Royal Arctic Line-imi aamma allamiuinnangajannik sulisoqartariaqarnerput? Inuussutissattami pingaarnersaat aalisarnermiinnera eqqartortuartillugu, imarsiorneq avaqqunneqarsinnaanngilaq nunatsinni. Ilami nunarsuarmi qeqertat anginersaani najungaqarluta imarsiorneq avaqqunneqarsinnaanngilaq.



Ullumikkut oqallisissiamut Naleraq allannguutissamik siunnersuuteqarniarluni aaliangiussinikuvoq. Kingullermik allannguutissatut siunnersuut siunertaata assinganik.

Nalunaarusiornerit naammaleqaat. Grønlandsfly A/S inatsisitigut kisermaassisusaatitaanera peerneqalermat ernumassutit amerlasimaqaat. Tassanilu ilaatigut nassuerutigisariaqarparput suliffeqarfik piunasaarsortillugu ingerlanneqartillugu inuiaqatigiinnut ineriartortitsinnginnera takussutissaqarmat. Taamaammat Naleqqamiit takorloorparput RAL inatsisitigut kisermaassisusaatitaanera kisiat peerlugu, suli kiffartuussinermut isumaqatigiissutaat atuutsissallugit. Taakku kingusinnerusukkut neqeroorutigineqarnissaanut periarfissaqarumaarpoq.

Oqallinnermili pingaaruteqarpoq naqissusissallugu, tamatigut nunap inui aallaaviusariaqarmata. Ullumikkut oqaluttuangorsimavoq A/S-ilersunngikkutta pitsaannerusumik innuttaasut sullinneqarsinnaanngitsut. Ila tupinnaraluattuaq. Kikkummita A/S ingerlannissaanut pikkorinneruppat? Naamminersortut, nammineq pilersitaminnik uummateqartut, imaluunniit pisortat qiningaaffimmiit qiningaaffimmut nikerartartut “piginnittui”? Ilaa pallittalisatut A/S atorneqarnera tupinn aqaaq, piunasaqarfiginaveersaartarmata.

Ersarissumik ullumikkut RAL piginnittui oqarpata: “Siunertarsi allanngorpoq, nalimmassaritsi” qularinngilarput Naleqqamiit ulluinnarni pisortaq aammalu siulersuisuunerit ingerlaannaq nalilersussagaat siunertaq nutaaq qanoq anguniassallugu.

Oqallinnermi ilaatigut nipeqartarpoq asuli suliffiuteqartugut, suliffeqarfik piujuarnissaa salliu-tillugu. Suliffeqarfiup siunertaanik tikkuussisinnaanata. Innuttaasut atuisuusut sallunaveeqqutitut inissittarlugit.

Siusinnerusukkut oqariartuutaasimasut aallaavigalugit paasisinnaavarput Royal Arctic Line A/S akikinnerpaallunilu kisiartaasoq nunatsinni nunatsinnullu assartuinnermi kiffartuussisoq. Taamaammat tunngavissaqanngilaq inatsisitigut illersuinnassallugu. Naleqqamiit sikusartuni kiffartuunneqartartut qiviarutsigit takusinnaavarput ineriartortoqanngitsoq. Ittoqqoortoormiut kisiartaanngillat naammannngitsunik pajunneqartartut, ullullu ikittuinnaat ingerlaneranni inerititaat nunguttartut. Naak issittormiuuneraarlutalu ineriartorneq sikusiutinik takorluugaqarneq? Naleqqamiit ersarissumik oqaatigissavarput inatsisitigut kisermaassisaqattaarnej killeqartaria-



Naleraq

qarnera. Nunasiaatitut eqqarsarnej tamaanga killeqartariaqarpoq. Taamaammat allannguutissatut siunnersuut ataatsimiititaliami nalilersorneqarnissaa ilannguteqqullugu:

”Inatsisartut aalajangiiffigisassaattut siunnersuut, Naalakkersuisut peqquneqassasut Royal Arctic Line A/S sullissinissamik akuersissutaata 1. Januar 2025 atorunnaarsinneqassasoq, nutaamik taarsiunneqarluni Kalaallit Nunaata Danmark akornani assartuinissamut kisermaassilluni ingerlatsivilernissaanut, Kalaallit Nunaata iluani kisermaassisariaqarnani assartuussinnaasoqartinnagulu pisussaaffilissallugu. Peqqusinerup kingunerissavaa unammilleqatigiinneq ammarneqassasoq nunanit allanit, namminersortunngorsaanermillu kajumissaarinneqataassalluni, pilersuisussaataitanerlu qulakkeeqqassallugu.”